



JOSU ETXEBARRIOSTE

«PSOEek joan-etorriko lana egiten du»

EAJ eta PPren arteko etengabeko ika-mika eta PSOEek euskal gatazkari irtenbidea emateko bete behar duen zereginari buruz jardun dugu Josune Ariztondorekin.

■ **Abertzaleen aurka egiteko PPrentzat edozerk balio duela aipatu izan duzue.**

Aznarrek eta bere gobernuko kideek ez daukate beste ezer buruan EAJ baino. Horren haritik, gatz lodia baliatzen dute gure aurka. Dena den, Euskal Herrian ez die inork sinesten eta ez dute inor engainatzen. Euskal Herritik kanpo ekintza bortitzek diskurtso erradikalen alde egiten dute eta, hori baliatuta, euskal gatazkari irtenbidea emateko euren eraginkortasun eza eta porrota izkututzen saiatzen ari dira.

■ **Lehendakariak ekitaldi**

instituzionala deitu du hilaren 20an Gernikan eta han ez dira alderdi gehienak izango. Hori bere bakardade politikoaren isla al da?

Bakardadea baino gehiago horrek islatzen duena da zeintzuek jartzen dituzten euren proposamen politiko jakin batzuk bakearen gainetik, zeintzuek galdu duten euren autonomia politiko osoa ETA mar txan jarri denean eta zeintzuek egiten duten bakearen eta elkarrizketaren aldeko apustua.

■ **Egun gutxitan da sinatzeak PP eta PSOEren arteko estatu ituna ETAre indarkeriari aurre egiteko. Horren helburuetako bat EAJ isolatzea dela uste al duzu?**

PPk argi dauka bere helburua zein den, Eusko Jaurlaritzak hartzea alegia, eta gero gero-

koak. PSOEek ez dauka PPk bezain argi gauza berak eta puntu guztietan nahi dituenik eta hor dabilta tirabiran. Bestalde, PPk pentsatuko balu ez dituela sozialistak behar, operazio honetan bakarrik ariko litzateke, baina zerbaitengatik lotu nahiko ditu.

■ **Testuinguru horretan posible al da EAJ eta PPren arteko nolabaiteko elkarrizketarik?**

PPk dio EAJrekin elkarrizketatuko dela ponentziak, zuzendaritza aldatzen dituen edo Jaurlaritzatik ateratzen denean. Hori egingo bagenu ez ginateke EAJ izango eta ez genuke zertan berba egin behar. Haien zertan, batzuk terroristak dira, besteak terroristak laguntzen dituztenak eta gainerakoak terroristak lagun-

tzen dituztenekin itunak dituztenak; eta, beraz, logika horrekin ez dakit inor geratuko den PPekin hitz egiteko edo PPk inorekin hitz egin nahi izango duen. PPren elkarrizketarako eskaintza, orain arte, beti izan da haiek esaten dutena onartu beharra, eta gu ez gaude prest.

■ **Zein izan behar da PSOEren ekarpena egoera hau gainditzeko?**

PSOEek joan-etorriko lana egiten du, ez dauka zer ikusirik Lluch hil ostean Zapaterok edo beste buruzagi batzuek Bartzelonan esandakoak eta handik gutxira PSE-EEren kongresuan gu gonbidatu eta alderdiarenganako, EBBko presidentiarenganako eta Lehendakariarenganako irainak entzun beharrak. Ez dakit nortasun politiko egina daukaten.

euskara, hezkuntza sistema... Gure autogobernuaren tresna nagusiak eta etorkizunari begira estrategikoak direnak jartzen dituzte arriskuan eta hori da larriena. Ez gara tranpa horretan erori behar baina, aldi berean, gure eskubideak, kontsentsuak eta herrigintzan lortutakoak defenditu behar ditugu.

■ **Hori lortzeko, defentsibari beharrezko ofentsibari aritzeko eskatu diote EAJri euskalgintzako zenbait sektorek.**

Gu ez gara defentsibari ari, ez

dut uste hala denik. Alderdi politiko batek Eusko Legebiltzarretik alde egin eta han zegoen gehiengo politikoa bertan behar utzi duenean, hor badago, beharbada, erantzukizun bat. Egoera hori izan arren, bai Euzko Alderdi Jeltzaleak, alderdi legez, bai Eusko Jaurlaritzak euren ekimenak jarri dituzte abian: Azken horrek AEKrentzat beharrezkoak diren diru laguntzak onartu berri ditu, hitzarmenak egiten ari da euskalgintzarako, aurrerakontuetan ere azken urtean sekulako aurrerabidea izan

izan da euskara sustatzeko, Bizkaiko Foru Aldundian gure hizkuntza bultzatzeko organo politikoa sortu dugu... Ez dut uste hori defentsibari jokatzeko denik, iniziatiba norbere gain hartzea baizik. Gainera, azpimarratu nahi nuke EAJ izan zela AEKren aurkako autoa aztertu eta horren inguruko txosten propioa landu zuen lehen alderdi politikoa. Gero etorri ziren besteak.

■ **Garzonen autoak marrazten duen egoera honi aurre egiteko, zein da EAJk proposatzen duen erantzuna?**

Gure erantzuna berbazkoa izaten da beti, besterik ez daukagutako. Gertatzen ari dena salatu behar dugu, baina didaktikoki. Honelakoetan errazena esaldi borobilak esatea da baina nire ustez askoz interesgarriagoa da salaketarekin batera herritarren aurrean argi geratzea horren atzetik dauden argudio sendoak zeintzuk diren. Argi geratu behar dira bai errugabetasun printzipioa eta baita delituak egiten dituztenak pertsonak direla beti eta ez erakundeak.

■ **Eusko Legebiltzarreko in-**

EAJ-REN ERANTZUNA

«Gure erantzuna berbazkoa da beti. Gertatzen ari dena salatu behar dugu, baina didaktikoki»

AEK-REN IBILBIDEA

«Laboralizazio prozesuari ekin zionetik, AEK-k bide interesgarria egin du, ontzat jo duguna»

dar korrelazio berria dela medio, PP, PSE eta UA hezkuntzari eta hizkuntzari buruzko zenbait neurri hartzen ari dira. Zer deritzozu horri?

Gizartean dagoen kontsentsua arriskuan jartzen ari dira eta hori da larriena. Gizarteko sektore ezberdinetan azken urteotan egin izan den lan ikaragarriari esker gure hezkuntza sisteman urrats itzelak egin dira. Ez da alperrik gaur egun D eredua izatea prestigio gehien duena. Hori egunerokotasunean egiten den lanarekin irabazten den zerbait da. Estatuan jazotzen denari erreparatu, gure hezkuntza sistema batzbestekoaren gainetik dago gai instrumentaletan.

Hori irabazita dago, baina ez dago betiko irabazita. Alderdi politiko batzuk ez ginateke sekula hori kakazten, zikintzen hasiko maiteegi dugulako herri honetan dagoen gizarte-kohezioa, baina beste batzuek ez dute inolako arazorik edozer gauza hausteko boterea hartzekotan. Ez dugu nahi boterea edozein preziotan, eta beste batzuek bai. Guk eta beste horiek osatzen ditugun bi multzoez gain, badago beste bat itsututa dagoela ematen duena, ez dute-lako gertatzen ari dena ikusten. Nik galdera zuzena egingo nioke EHri: zertan egin dugu hobera Legebiltzarra utzi duzuenetik? Erantzun dezatela.

■ **Zer balorazio egiten da EAJn AEK-k egindako lanaren inguruan?**

Balorazio ona egiten dugu. AEK jaio zen denboran jaio zen eta euskalgintzako beste sektore batzuk baino beranduago burutu da bere laboralizazio eta profesionalizazio prozesua, arrazoi historikoak direla medio. 92-93 urteetan bide horri ekiteko erabakia hartu zuten AEK-ko arduradunek asmatu egin zutela uste dut. Euskara ikasten duen ikasle kopuruari dagokionez oso bide interesgarria egin du Koordinakundeak, eta emaitzetan ere onurak ekarri ditu.